

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK

Broj: 07/2-04-4544/22

Bihać, 15.09. 2022. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ br. 12/03, 34/03, 65/13), u vezi sa tačkom II Zaključka o utvrđivanju standarda i kriterija za ocjenjivanje i izbor kandidata na pozicije predsjednika i članova upravnog i nadzornog odbora javnih ustanova čiji osnivač je Gradsko vijeće („Službeni glasnik Grada Bihaća“, broj 2/17), Gradonačelnik Grada Bihać, raspisuje

JAVNI OGLAS
za izbor i imenovanje predsjednika i člana
Upravnog odbora JU “Gradska galerija“ Bihać

I UPRAVNI ODBOR

1. Javna ustanova “Gradska galerija“ Bihać

- predsjednik, iz reda predstavnika Osnivača.....1 (jedan)
- član, iz reda predstavnika Osnivača.....1 (jedan)

II OPIS POZICIJA

Pozicija I

Upravni odbor Javne ustanove:

- donosi Pravila Javne ustanove, izmjene i dopune istih,
- imenuje i razrješava direktora, vršioca dužnosti direktora,
- zaključuje ugovor o radu sa direktorom i vršiocem dužnosti direktora,
- usmjerava, kontroliše i ocjenjuje rad direktora, te odlučuje o njegovoj disciplinskoj odgovornosti,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi Pravilnik o radu, kao i izmjenju istog, te druge opće akte u skladu sa zakonom i Pravilima,
- odlučuje o svim pitanjima obavljanja djelatnosti zbog kojih je JU osnovana ako zakonom nije određeno da o određenim pitanjima odlučuje drugi organ,

- rješava sva pitanja odnosa sa Osnivačem,
- odlučuje o korištenju sredstava preko iznosa od 10.000,00 KM utvrđenog Pravilima,
- odgovara Osnivaču za rezultate rada JU,
- odlučuje o prigovorima zaposlenika na rješenja kojima je direktor odlučio o pravu, obavezi i odgovornosti zaposlenika iz radnog odnosa,
- podnosi Osnivaču najmanje jednom godišnje izvještaj o poslovanju JU,
- odobrava projekte istraživanja i prezentacije umjetničkih djela,
- daje saglasnost na razmjenu umjetničkih dijela,
- nalaže poduzimanje posebnih mjera za čuvanje i zaštitu umjetničkih dijela,
- obrazuje stručnu komisiju za predlaganje umjetničkih dijela za rashodovanje,
- odlučuje o udruživanju u zajednicu muzeja-galerija ili drugi oblik udruživanja,
- daje prijedlog Osnivaču za proširenje i promjenu djelatnosti, kao i za statusne promjene Javne ustanove,
- vrši i druge poslove u skladu sa zakonom i ovim Pravilima.

III OPĆI USLOVI

Opći uslovi koje kandidati moraju ispunjavati:

- a) da su državljani BiH;
- b) da su stariji od 18 godina;
- c) da nisu otpušteni iz državne službe kao rezultat disciplinske mjere na bilo kom nivou u BiH u periodu od 3 godine prije dana objave oglasa;
- d) da nisu pod optužnicom Međunarodnog suda za ratne zločine (član IX 1. Ustava Bosne i Hercegovine);
- e) da nisu osuđivani za krivična djela ili privredni prestup;
- f) da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH;
- g) da nemaju privatni finansijski interes u reguliranom organu za koji se kandiduju;
- h) da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH.

IV POSEBNI USLOVI

Posebni uslovi koje kandidati moraju ispunjavati:

- 1) Predsjednik i članovi Upravnog i Nadzornog odbora iz reda predstavnika Osnivača:
 - a) VII stepen složenosti zanimanja, VSS.

V OSTALI USLOVI

Ostali uslovi koje kandidati moraju ispunjavati:

- a) najmanje jedna godina radnog staža u struci ili iskustva na poslovima iz djelatnosti ustanove, odnosno oblasti u kojoj ustanova djeluje;
- b) prilagodljivost timskom radu, komunikativne i kreativne sposobnosti za savjesno, odgovorno i odlučno obavljanje pozicije za koju se kandiduje;

- c) sposobnost nepristrasnog donošenja odluka;
- d) sposobnost tumačenja i primjene ekonomskih, pravnih i drugih propisa iz djelatnosti ustanove u kojoj se kandiduje;
- e) rezultati rada ostvareni tokom prethodnog radnog angažmana i preporuke poslodavaca;
- f) da nije direktor, predsjednik ili član upravnog ili nadzornog odbora u drugoj ustanovi, odnosno član uprave, predstavnik osnivača sa ovlaštenjima skupštine ili predsjednik odnosno član nadzornog odbora ili odbora za reviziju u privrednom društvu.

VI MANDAT

Mandat predsjednika i člana Upravnog odbora JU "Gradska galerija" Bihać traje do isteka mandata predsjednika i članova Upravnog odbora imenovanih rješenjem Gradonačelnika broj: 01-04-1236 od 09.04.2020. godine.

VII POTREBNI DOKUMENTI

Kandidati su dužni dostaviti:

- a) prijavu na javni oglas, koja treba da sadrži oznaku pozicije (prijava se može podnijeti samo za jednu od pozicija koje su predmet javnog oglasa).
- b) kraću biografiju,
- c) adresu i kontakt telefon,
- d) dokaz o školskoj spremi,
- e) dokaz o radnom iskustvu u struci,
- f) uvjerenje o državljanstvu (ne starije od 6 mjeseci),
- g) izvod iz matične knjige rođenih,
- h) preporuku poslodavca,
- i) druge dokaze o ispunjavanju općih, posebnih i ostalih uslova javnog oglasa (ovjerene izjave o ispunjavanju Općih uvjeta iz alineje c), d), f), g), i h) i Ostalog uslova iz alineje f) javnog oglasa).

Dokumenti koji se prilažu uz prijavu na javni oglas moraju biti u originalu ili u ovjerenoj fotokopiji.

Dokaz o ispunjavanju Općih uslova iz alineje e) i f) bit će dužni dostaviti samo kandidati koji budu predloženi za konačno imenovanje.

Lični podaci o učesnicima u javnom oglasu su tajni i mogu se prikupljati i obrađivati u skladu sa Zakonom o zaštiti ličnih podataka BiH („Službeni glasnik BiH“ broj 49/06, 76/11 i 89/11).

VIII OSTALE NAPOMENE

Javni oglas će se objaviti u „Službenim novinama Federacije BiH“ i dnevnom listu „Oslobođenje“.

Rok za podnošenja prijava je 15 dana, a računa se od datuma zadnje objave javnog oglasa.

Prijave sa dokumentacijom mogu se dostaviti lično ili preporučeno poštom u zatvorenoj koverti na adresu:

Grad Bihać, Komisija za provođenje izbora u regulirane organe Grada Bihać, Ul. Bosanska br.4, 77000 Bihać, sa naznakom:

Prijava na javni oglas za izbor i imenovanje za predsjednika ili člana Nadzornog odbora i predsjednika ili člana Upravnog odbora JU „Gradska galerija“Bihać – NE OTVARATI.

Komisija će, uz poštovanje principa utvrđenih Zakonom, a na osnovu kriterija za ocjenjivanje i izbor kandidata, sastaviti listu sa užim izborom kandidata.

Svi kandidati na listi sa užim izborom bit će pozvani na intervju i uz poziv će dobiti obrazac u kom će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Nakon obavljenog intervjua Komisija će predložiti rang listu najboljih kandidata i proslijediti je Gradonačelniku na konačno imenovanje.

Bilo koji kandidat ili član javnosti može podnijeti prigovor na konačno imenovanje, ako raspoláže dokazima da u postupku imenovanja nisu ispoštovani principi utvrđeni Zakonom.

Prigovor na konačno imenovanje se podnosi Gradonačelniku, a kopija se dostavlja ombudsmenu za ljudska prava u Federaciji BiH.

Neblagovremene i nepotpune prijave se neće uzeti u razmatranje.

Podnosioci prijava sa kojima se ne stupa u kontakt u roku od 8 dana po isteku roka za podnošenje prijave, neće biti uzeti u razmatranje u daljem postupku imenovanja.

GRADONAČELNIK
Šuhret Fazlić